



Broj: 01-02.1-2676-20/20
Datum: 16.1.2023.godine

Na osnovu člana 70. Zakona o javnim nabavkama (Službeni glasnik BiH broj 39/14) i Pravilnika o javnim nabavkama JP Ceste Federacije BiH d.o.o. Sarajevo (Ugovorni organ), i u skladu sa preporukom Komisije za nabavke Uprava d o n o s i:

ODLUKU

o poništavanju postupka javne nabavke

Poništava se otvoreni postupak javne nabavke usluga nadzora nad izvođenjem radova : Izgradnja brze ceste Lašva-Nević polje, prolaz kroz poslovnu zonu Vitez, objavljen na portalu e-nabavki 9.3.2020.godine.

Obrazloženje

U skladu sa članom 18. Zakona o javnim nabavkama („Službeni glasnik BiH“, br.39/14) JPCFBiH (Ugovorni organ) je pokrenuo otvoreni postupak javne nabavke usluga nadzora nadizvođenjem radova: Izgradnja brze ceste Lašva-Nević polje, prolaz kroz poslovnu zonu Vitez, koji je objavljen na portalu e-nabavki dana 9.3.2020.godine.

Nakon provedenog otvorenog postupka predmetne nabavke donešena je odluka o dodjeli ugovora br. 01-02.1-2676-7/20 od 13.07.2020.godine ponuđaču Grupa ponuđača: TRASA d.o.o. Sarajevo , IG d.o.o. Banja Luka i DESIGN&QC d.o.o. Sarajevo .

Navedene usluge nadzora se odnose na radove za koje Ugovor za izvođenje radova nije mogao biti potpisan, jer su u period od 2020 godine nastali problem oko pribavljanja građevinske dozvole za koju je bila potrebna izmjena urbanističke suglasnosti, zašto je bila neophodna, a nije dobivena suglasnost JP Autoceste FBiH, . Navedeno je u vezi sa Zaključkom Vlade FBiH broj: 1517/20 od 22.10.2020. godine kojim je naloženo da se prilikom realizacije LOT-a 4, osigura poštivanje Zakonskih propisa za brze ceste, u pogledu računске brzine, što je u suprotnosti sa usvojenim glavnim projektom i uvjetima iz urbanističke suglasnosti, pa je neophodna usklađivanje projektne dokumentacije.

Dakle naknadno je došlo do navedenih problema oko urbanističke saglasnosti i projektne dokumentacije, što je rezultiralo potrebom za izradom novog glavnog projekta brze ceste Lašva-Nević polje, prolaz kroz poslovnu zonu Vitez. Otvoreni postupak nabavke usluga projektiranja novog glavnog projekta je pokrenut.

Obzirom na navedeno, da je poništen postupak nabavke predmetnih radova za koje se nabavlja usluga nadzora i da je trenutno neizvjesno kada će postupak nabavke radova ponovo biti pokrenut, predmetni postupak nabavke usluga nadzora nad izvođenjem radova Izgradnja brze ceste Lašva-Nević polje, prolaz kroz poslovnu zonu Vitez koji je proveden 2020.godine se poništava..


Cijeneći navedeno činjenično stanje, konstatovano je da postoje uslovi za poništavanje postupka nabavke iz člana 69. stav (2), tačka e) ZJN-a.

Na osnovu navedenog ovlašteni organ ugovornog organa donio je odluku kao u dispozitivu.

Pouka o pravnom lijeku:

Protiv ove Odluke može se izjaviti žalba, najkasnije u roku od 10(deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

Direktor:

Ljubo Pravdić, dipl. inž.grad.